

**BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM**

Komisija o međunarodnim i vanjskim pitanjima
Broj: 01 / 2- 205 /99
Sarajevo, 27.10.1999 godine

**Bosna i Hercegovina
PARLAMENTARNA SKUPŠTINA
BOSNE I HERCEGOVINE
SARAJEVO**

Primljeno: 27.10.99. gde			
Org. Jed.	Broj	Prilog	Vrijednost

**PREDSTAVNIČKOM DOMU
PARLAMENTARNE SKUPŠTINE BiH**

Komisija o međunarodnim i vanjskim pitanjima Predstavničkog doma Parlamentarne skupštine Bosne i Hercegovine je na svojoj 7. sjednici, održanoj 27. oktobra 1999 godine razmatrala slijedeće tačke dnevnog reda:

1. Osvrt na realizaciju Rezolucije o evropskim integracijama i Paktu o stabilnosti za Jugoistočnu Evropu, koju je Parlamentarna skupština Bosne i Hercegovine usvojila 27. jula 1999 godine;
2. Izvještaj g. Branka Dokića, predsjedavajućeg Parlamentarne delegacije koja je bila u posjeti Komisiji za međunarodne odnose Parlamenta Njemačke, u periodu 28-30 septembra 1999 godine;
3. Izvještaj g. Ibrahima Spahića, predsjedavajućeg parlamentarne delegacije Bosne i Hercegovine o učešću u radu 102. Konferencije Interparlamentarne Unije koja je održana u Berlinu u periodu 10-16 oktobra 1999 godine.
4. Izvještaj g-dje Ane Havel o učešću u radu Parlamentarne Konferencije CEI održane u Pragu 6-10 oktobra 1999 godine.
5. Izvještaji o radu parlamentarnih delegacija u CEI, OSSE, IPU i Vijeću Evrope

IZVJEŠTAJ

AD 1.

Na inicijativu g. Ibrahima Spahića u pogledu obaveze periodičnog razmatranja ispunjenja obaveza kako Parlamentarne skupštine BiH tako i drugih državnih i entitetskih institucija, a sadržanih u Rezoluciji Parlamentarne skupštine Bosne i Hercegovine od 27. jula 1999 godine, usvojen je zaključak da gospodin Ibrahim Spahić pripremi osvrt na realizaciju obaveza za narednu sjednicu Komisije.

Komisija je konstatovala potrebu mobilizacije svih kako državnih tako i entitetskih institucija koje su nadležne za ispunjenje uslova za prijem Bosne i Hercegovine u Vijeće Evrope, pogotovo zbog najavljenog dolaska (09-11. novembra) Izvjetilaca Vijeća Evrope, g. Petera Bloetzera i g-dje Anneli Jaatteenmaki ponovo u BiH kako bi prisustvovali narednoj sjednici Predstavničkog doma Parlamentarne skupštine BiH.

Takodje je konstatovana potreba da pored Parlamentarne skupštine BiH, za narednu sjednicu ovog Doma, Predsjedništvo, Vijeće Ministara, Vlade Federacije i Republike Srpske, odnosno, njihova resorna ministarstva dostave izvještaje o realizaciji uslova za prijem u Vijeće Evrope.

AD 2.

Gospodin Branko Dokić, predsjedavajući Parlamentarne delegacije Bosne i Hercegovine koja je na poziv Komisije o međunarodnim odnosima Parlamenta Njemačke, boravila u Berlinu, u periodu 28-30 septembra 1999 godine, usmeno je izvjestio članove Komisije o susretima i sadržaju razgovora koji su vođeni u toku posjete.

Komisija je usvojila zaključak da se Predsjedavajućem Komisije za međunarodne odnose Njemačkog Parlamenta uputi pismo zahvalnosti na dobroj organizaciji posjete i korisnim razgovorima koji su vođeni tom prilikom i poziv za uzvratnu posjetu u periodu od kraja novembra do prve polovine decembra ove godine.

AD 3.

Gospodin. Ibrahim Spahić je podnio usmeno izvještaj o boravku u Berlinu o učešću u radu 102. Konferencije Interparlamentarne Unije. Obavijestio je Komisiju da će pismeni izvještaj i prateće materijale dostaviti za naredni sastanak Komisije.

AD 4.

Komisija je prihvatila Izvještaj sa Parlamentarne Konferencije CEI održane u Pragu 6-10. oktobra 1999 godine, a kojeg je pripremila gospodja Ane Havel.

AD 5.

Komisija o međunarodnim i vanjskim pitanjima Predstavničkog doma Parlamentarne skupštine Bosne i Hercegovine je 08. oktobra 1999 godine, po zaključku Kolegija oba Doma Parlamentarne skupštine Bosne i Hercegovine, uputila poziv svim članovima parlamentarnih delegacija Bosne i Hercegovine u VE, OSSE, CEI i IPU(dopis br. 01.02/2-45-114/99) uz molbu da održe sastanke kako bi se pripremili izvještaji o aktivnostima za drugi nastavak jedanaeste sjednice Predstavničkog doma Parlamentarne skupštine Bosne i Hercegovine.

Jedino je Parlamentarna delegacija Bosne i Hercegovine u Vijeću Evrope redovno dostavljala iscrpne izvještaje o svojim aktivnostima u Vijeću Evrope ove godine.

Sekretar Komisije

Suada Karović, s.r.

Predsjedavajući Komisije

Branko Dokić